

四庫全書

史部

欽定四庫全書

明集禮卷八

吉禮八

社稷篇

總叙

周制小宗伯掌建國之神位右社稷左宗廟社稷之祀壇而不屋必受霜露風雨以達天地之氣凡起大事動大衆必先告于社而後出其禮可謂重矣蓋古者天子

社以祭五土之祗稷以祭五穀之神其制在乎中門之外外門之內尊而親之與先祖等人非土不立非穀不食以其同功均利以養人故祭社必及稷所以為天下求福報功之道也然天子有三社為羣姓而立者曰太社其自為立者曰王社又有所謂勝國之社屋之不受天陽國雖亡而存之以重神也後世天子之禮惟立太社太稷以祀之社皆配以勾龍稷皆配以周棄漢因高祖除亡秦社稷立官太社太稷一歲各再祠光武立太

社稷于洛陽在宗廟之右春秋二仲月及臘一歲三祀  
唐因隋制並建社稷于含光門之右仲春秋二時戊  
日祭之玄宗升社稷為大祀仍以四時致祭宋制每歲  
春秋二仲月及臘日祭之元世祖營社稷于和義門內  
少南以春秋仲月上戊致祀國朝建壇于宮城之右春  
用二月上戊日秋用八月上戊日致祭若其歷代制度  
儀文之同異者詳具于左方

配位

祭法厲山氏之有天下也其子曰農能殖百穀夏之衰也周棄繼之故祀以為稷共工氏之霸九州也其子曰后土能平九州故祀以為社蔡墨曰共工氏有子曰勾龍為后土后土為社稷田正也有烈山氏之子曰柱為稷自夏以上祀之周棄亦為稷自商以來祀之鄭康成以社為五土總神稷為原隰之神勾龍以有平水土之功配社祀之稷有播種之功配稷祀之王肅以社祭勾龍稷祭后稷皆人鬼也非地神二家之說不同而鄭氏

為優故後世並以勾龍配社周棄配稷唐宋元及國朝  
皆同此制

壇壝

周禮封人掌設王之社壝注壝謂壇及埧埤也禹貢徐  
州貢土五色以為社禮記郊特牲曰社祭土而主陰氣  
也君南鄉於北壝下答陰之義也北牖在社壇之北以  
磚為之高廣無定制以黃泥飾之韓詩外傳曰天子之  
社稷廣五大土五色東方青色南方赤色西方白色北

方黑色覆以黃土象王者覆被四方後世並用五色土  
前漢社稷之制無所攷後漢方壇外有門牆而已唐社  
稷壇廣五大稷壇如社之制四面宮垣華飾各依方色  
面各一屋三門每門二十四戟四隅皆連飾浮思在南  
無屋宋政和三年儀禮局定太社壇廣五大高五尺四  
出陞社東稷西四門同一壇二十五步壇飾各隨方色  
覆以黃土於大社壇內設北牖以備親祠南向答陰之  
義元制壇高五尺方廣五大一面各五大東社西稷兩

壇相去約五丈社壇用青赤白黑四色土依方位築之中實以常土上一二尺覆以黃土四面當中各設幔道其廣一丈亦各依方色稷壇制如社壇惟純用黃土二壇於壝垣中近南置之周圍壝垣之牆高五尺方廣三十丈每方各置櫺星門三間飾依方色每門列戟二十有四其外四周為外垣南北闕二櫺星門國朝二壇坐南向北社壇在東稷壇在西各闊五丈高五尺四出陛五級壇用五色土築各依方位上以黃土覆之二壇同



一壇壝方廣三十丈高五尺用磚砌四方開四門各闊  
一丈東門飾以青西門飾以白南門飾以紅北門飾以  
黑周圍築以牆仍開四門南為櫺星門北面戟門五間  
東西戟門各三間皆列戟二十四

瘞坎

爾雅云祭地曰瘞埋又鄭玄謂陰祀自血起貴氣臭也  
故凡祭地祇則為瘞埋於神壇之壬地方深取足容物  
祭訖置牲幣祝版饌物於其中而埋之又三禮義宗云

祭地以瘞血為先然後正祭故祭社稷瘞埋有二始則瘞血以致陰祗至於禮畢又以牲幣燔瘞為禮之終秦漢之制無所攷唐制祭大社大稷前二日為瘞坎二於南門之內稷壇西南方深取足容物北出陞祭畢皇帝就望瘞位南向立諸太祝各執篚進神座前取幣齋郎以俎載牲體并黍稷飯爵酒置于坎奉禮曰可瘞塹東西面各二人寘土半塹祝版則燔於齋所宋制郊社令開瘞坎二於社稷壇子階之北壬地南出陞太常於降

神樂止先瘞血以歆神乃賜胙郊社令以黍稷脂祭藉以白茅束之吏部侍郎率太祝執籩取玉幣祝冊藉以茅以俎載牲體并黍稷飯爵酒置于坎元仍宋制國朝用唐制開瘞坎於稷壇西南用磚砌闊四尺深四尺降神樂止先瘞血送神樂止執事官取祝幣牲饌置瘞坎坎實半土

社主

周禮小宗伯立軍社鄭氏注社主用石為之蓋以石者

土地所生最為堅實故也惟社有主而稷無主又論語  
哀公問社於宰我宰我對曰夏后氏以松殷人以栢周  
人以栗朱子注曰古者立社各樹其土之所宜木以為  
主也白虎通曰社稷所以有樹尊而識之使民人望見  
敬之又所以表功也尚書逸篇曰大社惟松東社惟栢  
南社惟梓西社惟槐漢高祖詔御史令豐治枌榆社師  
古曰以枌榆樹為神因立名蓋高祖里社也平帝時立  
官稷種穀樹唐睿宗神龍中議立社主韋叔夏等引鄭

玄議以為社主用石又檢舊社主長二尺五寸方一尺七寸按韓詩外傳云天子社方五丈蓋以土是五數故壇方五丈其社主請准五數長五尺准陰之二數方二尺剡其上以象物生方其下以象地體埋其半以根在土中而本末均也祭之時設大社大稷勾龍后稷四神位版于壇上宋初祭社稷正配用神位版太社又以石為主其形如鍾長五尺方二尺剡其上培其下半其中植槐元制石主與宋同設神位版用栗素質墨書二壇

各樹松於南陛之下國朝社主用石高五尺闊二尺上  
微尖半在土中近南向北祭時惟稷與二配位用神位  
版

### 神席

周禮司几筵祭祀席蒲筵績純加莞席紛純鄭氏注莞  
清堅於鬼神宜唐祭大社大稷設神位於壇上四席皆  
以莞宗制社稷正位席以藁秸后土后稷位席以莞元  
制神位四席皆以莞緣以黑綾裯褥如幣之色用黑方

七尺四寸國朝設主於案不用席

祭器

周禮春官凡祭祀社壇用大壘自秦漢以來祭社禮器無所攷見唐制正配位各簋十豆十簠簋各二鉶俎各三正位各大尊二著尊二山壘一配位各設象尊二著尊二壘二皆加勺罍有爵站宋制正配位簋豆各十有二組四登一簠一簋一大尊五元制正配位俱用簋十豆十鉶三簠二簋二俎五盤一毛血豆一爵一沙池一

玉幣篚一木杓一勺一正位各大尊山尊五在壇上有  
坩加勺罍為酌尊大尊二山尊二著尊二犧尊二象尊  
二壺尊二在壇下皆加罍設而不酌著尊犧尊山壘各  
二皆有坩加勺罍象尊壺尊山壘各二設而不酌皆有  
坩罍配位各象尊二著尊二犧尊二山壘二以為酌尊  
壺尊二山壘二設而不酌皆有坩罍國朝社稷正配位  
皆用酒尊三加勺罍篚箱一籩豆各十鉶三簋簠各二  
俎三爵坩一沙池一盥盆一



玉

周禮兩圭有邸以祀社稷圭銳首象土生物三禮圖註  
玉人云兩圭五寸有邸以祀地此兩圭五寸亦宜於六  
寸璧兩邊各琢出一圭俱長二寸半博三寸厚一寸又  
牧人職註云神州地祇玉與牲幣同用黝色有繅藉瘞  
玉二色與玉同唐社稷用玉兩圭有邸五寸宋同唐制  
元制每歲春秋祈報太社太稷各用黝圭一并繅藉瘞  
玉一以黝石代之國朝禮神之玉用兩圭有邸

# 幣

周官牧人陰祀用黝牲毛之黝黑也祭社稷幣同牲色也  
又肆師次祀用牲幣註次祀謂社稷漢文十三年詔廣  
諸祀壇場珪幣唐社稷幣以玄色用黑繒四各長一丈  
八尺宋元及國朝皆同唐制

# 祝

唐制祝版用楸長二尺四寸闊一尺二寸厚一分其祭  
大社祝文曰惟某年月日嗣天子某敢昭告于大社維

神德兼博厚道著方直載生品物含弘庶類謹因仲春  
祇承常禮敬以玉帛一元大武柔毛剛鬣明粢薌合薌  
其嘉蔬嘉薦醴齊備茲禋瘞用伸報本以后土勾龍氏  
配神作主尚享配位祝文曰維年月日皇帝某敢昭告  
于后土氏爰茲仲春揆日維吉恭修常祀薦于太社維  
神功著水土平易九州昭配之義實惟通典謹以制幣  
一元大武柔毛剛鬣明粢薌合薌其嘉蔬嘉薦醴齊陳于表  
位作主侑神尚享祭大稷祝文曰惟神播生百穀首茲

八政用而不匱功濟萌黎謹以某物式陳瘞祭備修常  
禮以后稷稟配神作主尚享配位祝文曰敢昭告于后  
稷氏爰以仲春式揀吉辰敬修常禮薦于太稷惟神功  
叶稼穡闡修農政允茲從祀用率舊章餘同后土氏宋  
祭大社祝文曰維年月日嗣天子某敢昭告于太社伏  
以維土與穀神實司之壇壝崇成于國之右巖恭禋祀  
祇薦忱誠茲率典彝尚祈歆懌謹以玉帛牲齊粢盛庶  
品恭陳明薦以土正勾龍氏配神作主尚享太稷文同

配位勾龍氏文曰惟神配食社稷利養羣生分命薦誠  
惟祈昭答謹以量幣牲齊粢盛庶品恭陳明薦作主侑  
神尚享配位后稷氏辭同元祭社祝文曰維年月日嗣  
天子謹遣某官某敢昭告于太社之神惟神承天有慶  
載物無私品類咸亨萬世永賴謹以玉帛一元大武柔  
毛剛鬣明齊薌合薌萁嘉蔬嘉薦醴齊備茲禋粢用伸  
報本以后土勾龍氏配神作主尚享配位文曰惟神功  
平水土德著神明祗率舊章昭配典祀謹以制幣一元

大武柔毛剛鬣明粢薌合薌其嘉疏嘉薦醴齊陳于表  
位作主侑神祭稷文曰惟神寔司稼穡普濟黎萌百穀  
用成羣生成遂謹以某物式陳瘞祭備修常禮以后稷  
棄配神作主尚享配位文曰惟神播時百穀粒我烝民  
維是薦禋寔允昭配餘同勾龍氏國朝洪武元年八月  
十日祭社文曰惟神厚載功深資生德大涵宥庶品造  
化斯成謹以仲秋祗率常禮敬以牲幣嘉薦醴齊備茲  
裡瘞用伸報本以后土勾龍氏配神作主尚享后土氏

文曰爰茲仲秋揆日維吉恭修常禮薦于太社維神水土平治永賴其功載稽典彛禮宜昭配謹以牲幣嘉薦醴齊陳于表位作主配神尚享祭稷文曰惟神嘉種生成明棗維首帝命率育立我烝民敬以牲幣嘉薦醴齊式陳瘞祭備修常禮以后稷棄配神作主尚享后稷氏文曰爰以仲秋揆日維吉恭修常禮薦于太稷維神勤農務本政成稼穡生民立命萬世之功謹以牲幣嘉薦醴齊陳于表位作主配神尚享

牲

周禮王制天子祭社稷用太牢書曰乃社于新邑羊一牛一豕一是皆用太牢也地官牧人陰祀用黝牲毛之春官太宗伯以血祭祭社稷漢高祖立太社太稷歲各祠以太牢後漢仲春秋及臘一歲三祠皆太牢隋仲春秋吉戊各祀以太牢色用黑唐初用太牢玄宗開元十九年停牲牢惟用酒脯後仍用太牢宋神宗元豐中詳定禮文所言周禮以血祭社稷血者陰幽之物所



謂本乎地者親下各從其類是以類求神之意也請祭社稷以牲為始又言王制天子社稷皆太牢今用少牢殊不應禮請於羊豕之外加以角握牛二詔從之高宗南渡用羊豕元制牛一其色黝其角握有副羊豕各四國朝正配四位各用犢一羊一豕一

### 酒齊

唐制太社太稷醴齊實於大壘為上盎齊實於著尊次之清酒實於壘為下配座之尊亦如之齊加明水酒加

玄酒各實於上尊宋制每壇每位泛齊實於太尊醴齊  
實於山尊盎齊實於著尊醴齊實於犧尊沈齊實於象  
尊又各以一尊實明水壺尊三實玄酒三實三酒明水  
玄酒皆在上元制正位泛齊實於太尊為上醴齊實於  
著尊盎齊實於犧尊醴齊實於象尊沈齊實於壺尊三  
酒實於山壘配位汎齊實於著尊為上醴齊實於犧尊  
盎齊實於象尊醴齊實於壺尊三酒實於山壘凡齊之  
上尊實以明水酒之上尊實以玄酒皆以上醴代之國

朝社稷正配位酒尊皆實以醑齊盥齊事酒

粢盛

禮記郊特牲曰唯社丘乘共粢盛注謂稷曰明粢在器曰盛大夫以下無籍田故丘乘之民共之若天子祭社則自用籍田之穀秦漢以下唯梁陳粢盛以六飯粳以敦稻以牟黃粱以簋白粱以簋黍以瑚粢以璊自唐以至宋元皆用簋二簋二實以黍稷稻粱國朝制同唐宋

籩豆之實

唐制正及配位籩實以石鹽乾魚乾棗栗黃榛子菱芡  
鹿脯白餅黑餅豆實以韭菹醯醢菁菹鹿醢芹菹兔醢  
筍菹魚醢脾析菹豚拍簋實以黍稷簋實以稻粱登實  
以大羹鉶實以肉羹

凡祀神之物有當時所無者則以時物代之可也

宋制籩

實以菱芡栗鹿脯榛實乾桃乾蓀乾棗形醢魚鱠糗餌  
粉糝登實以太羹鉶脂鼎實以和羹盤以奉毛血簋實  
以黍稷簋實以稻粱豆實以芹筍葵菁韭醢食魚醢豚  
拍鹿醢醢醢糝食兔醢元制籩實以乾蓀棗形醢魚鱠

鹿脯榛乾桃茢芡栗豆實以芹笋葵菁韭魚醢兔醢豚  
拍鹿鷄醢醢簋簋實以黍稷稻粱鉶實以和羹國朝邁  
則實以鹽藁魚棗栗榛芡鹿脯白黑餅豆實以韭菹  
醢醢菁菹鹿醢芹菹兔醢笋菹魚醢脾析豚拍簋簋實  
以黍稷稻粱鉶以肉羹

樂舞

周禮大司樂乃奏大簇歌應鐘舞咸池以祭地示鼓人  
以靈鼓鼓社祭舞師教帗舞帥舞師而舞社稷之祭祀

漢至武帝時有十九章之歌唐初樂用姑洗之均三變  
至玄宗時用函鍾之均八變迎神奏順和之樂文舞八  
成升壇作泰和之樂奠玉幣登歌作肅和之樂俎入作  
雍和之樂酌獻及飲福皆素壽和之樂初獻畢文舞出  
作舒和之樂出訖武舞入作舒和之樂六成止徹豆作  
順和之樂一成宋制皇帝入門升降行止宮懸作儀安  
之樂迎神作寧安之樂示本昭德之舞八成奠玉幣登  
歌作嘉安之樂進俎宮懸作豐安之樂酌獻大社正位

登歌作欽安之樂配位作徹安之樂大稷正位作阜安之樂配位作明安之樂初獻畢文舞退武舞進宮懸作文安之樂亞獻作虔安之樂殖福報功之舞終獻樂舞同亞獻皇帝飲福宮懸作賚安之樂徹豆登歌作咸安之樂送神宮懸作寧安之樂一成止元制樂用登歌國朝親祀大社稷迎神奏廣和之曲奠玉幣奏肅和之曲進俎奏凝和之曲初獻奏壽和之曲武功之舞亞獻奏豫和之曲文德之舞終獻奏熙和之曲文德之舞徹豆

奏雍和之曲送神奏安和之曲望瘞奏時和之曲盥洗  
升降俱不用樂

### 祭服

周禮司服王祭社稷則絺冕注絺冕謂刺粉米無畫也  
其衣一章裳二章凡三也漢武帝祀后土祠衣皆尚黃  
唐制天子親祀服繡冕宋制如之元制服袞冕國朝親  
祭服袞冕

### 職掌人員



唐制尚舍直長掌施大次尚舍奉御掌鋪御座衛尉掌設文武侍臣次太樂令掌設宮懸樂右校掌清掃內外為瘞坎奉禮掌設御位奉禮郎守之又設御望瘞位又設祭官公卿諸執事官并御洗位光祿卿掌省饌太官令掌割牲祝史以豆取毛血太史令郊社令掌設神座郊社令良醞令掌實尊壘玉幣太官令掌實籩豆簋簠謁者贊引各引祭官通事舍人分引從祭文武羣臣司空行樂懸博士引太常卿太常卿引皇帝殿中監進圭

協律郎作樂侍中進玉幣司徒奉俎太祝讀祝太尉亞  
獻光祿卿終獻宋制太宰讀誓於朝堂刑部尚書蒞之  
少宰讀誓於太廟刑部侍郎蒞之殿中監掌設大小次  
儀鸞司掌設文武侍臣行事陪祠官次及饌幔郊社令  
掃除壇上下開瘞坎大歲陳登歌樂設宮架立舞表太  
常掌設神席奉禮郎禮直官掌設皇帝位版及飲福望  
瘞位贊者掌設亞終獻位光祿陳牲陳禮饌太常設省  
牲省饌位司尊彝掌設籩豆簠簋尊壺盥洗爵洗位郊

社令太史官屬升壇設位版太府卿少府監陳玉幣光  
祿實籩豆簋簠太官令實俎良醢令實尊太常設燭及  
揖位太司樂行樂架禮部尚書視滌濯太宰申視滌濯  
禮部尚書侍郎省牲光祿卿光祿丞巡牲及牽牲詣厨  
禮部尚書省鼎鑊眡濯溉太官令掌割牲祝史取毛血  
實於盤樂正帥工人二舞通事舍人掌分引陪祠官文  
武官就位御史糾察不如儀者符寶郎陳寶禮儀使導  
皇帝行事殿中監進圭少監副之協律郎作樂太常瘞血

禮部侍郎視饌腥熟之節戶部兵部工部尚書掌奉俎并徹  
俎舉冊官舉祝讀祝官讀祝禮直官太常博士引亞終  
獻官禮部尚書徹籩豆吏部侍郎掌以玉幣祝冊饌物  
置瘞坎元制初獻亞獻終獻官各一司徒一太常卿光  
祿卿太社令司天監光祿丞太樂令太官令良醞令廩  
儀令太社丞各一監察御史監禮博士各二奉禮郎一  
協律郎二司尊壘二奉爵官一太祝七祝史四盥洗官  
爵洗官各二巾篚官四贊者一禮直官三十助奠官二

剪燭官二與祭官九太樂丞一司香二司天生二禮直  
管勾一清道官二齋郎七十太樂登歌樂工五十一人  
國朝親祀太社太稷設大次皇太子幙次官二人設百  
官幕次官四人設燎明燭官四人協律郎二人撰祝書  
祝官一人掃除壇場官二人掌祭官二人掌設省牲位  
并牽牲割牲官二人掌鼎鑊候視滌漑官一人牽牲十  
人贊省牲醴官一人設御位東宮位官二人設文武陪  
祀諸執事版位官一人捧玉幣徹豆兼捧幣饌官八人

司蠱洗爵洗官二人司尊官二人執爵官四人司香官  
二人瘞毛血官二人讀祝官一人捧祝官一人贊禮二  
人通贊禮生二人引文武二班陪祀官四人監禮御史  
二人導駕官六人導引東宮官四人奏禮官一人進福  
酒官一人割胙進胙官一人受胙官一人舉飲福案官  
二人掌瘞坎實土官二人

陳設

唐制開元禮前祭尚舍直長設大次於社宮西門之外

尚舍奉御陳御座衛尉設文武侍臣次太樂令設宮懸之樂於壇北設十二鐃鍾於編懸之間各依辰位樹靈鼓於南懸之內植建鼓於四隅置祝敎於懸內設歌鍾歌磬各於壇上其匏竹者各立於壇下奉禮設御位北門之內南向又設望瘞位西門之內南向設御史位於壇上設諸執事官三師文武官使人蕃客位設酒尊位於壇上設御洗并亞終獻洗位各於社稷壇之西北南向各設玉幣之篚於壇上尊坫之所太史令郊社令設

社稷神座各於壇上近南北向設后土氏神座於社座之右后稷氏神座於稷座之左太官帥進饌者實諸簋豆簠簋文舞入陳於懸內武舞立於懸北太祝設饌於神座前宋制祭前殿中監設大次於西神門內小次於子階之西儀鸞司設文武侍臣次於大次之前又設行事陪祠官宗室有司次并饌幔於西神門外大晟陳登歌之樂於壇上設宮架於北墉之北立舞表於鄼綴之間太常設神位席奉禮郎禮直官設皇帝位版及飲福



位望瘞位於壇下贊者設亞終獻次於小次之北又設大禮使以下尚書侍郎御史并諸執事陪祠文武官位光祿陳牲并禮饌於西神門外太常設省牲位於牲東禮饌位於饌南禮部設祝冊案於神位之右司尊彝設籩豆簋簋尊拈之位又設正配位籩豆簋簋盤俎各一於饌幔內設御洗亞終獻爵洗盥洗於本位之北壘籩各設於左右郊社令與太史官屬設社稷正配位於壇上太府卿少府監陳玉幣於籩太常設燭於神位前又

設揖位於西神門外所司陳異寶嘉瑞及伐國之寶於  
宮架之北東西相向符寶郎奉寶陳於宮架之南元制  
設三獻以下行事執事官次於齋坊之內及設饌幔四  
於西神門外設兵衛各以方色器服守衛壝門太樂令  
設登歌之樂於兩壇匏竹者位於壇下司天監太社令  
設社稷正配神座於壇上奉禮郎設三獻官位於西神  
門內又設司徒御史博士并諸執事官位又設牲榜於  
西神門外設禮饌於牲東禮部設板案各於神位之側

奉禮郎設玉幣於酌尊所每位設籩豆簋簋銅俎尊壘之位玉置于匣幣實于篚各置于神座太常設燭於神座前祝史取牲血置于饌幕又取瘞血置于盤太官載羊豕于俎太祝奠于神座立茅苴于沙池國朝前祭二日有司掃除壇上下開瘞坎洒掃齋次饌室神厨設大次于北門內皇太子幕次於大次之右前祭一日設省牲位於北門之外設樂懸於壇下之北執事拂拭社主設后土氏配位於社壇之東西向設太稷神位於稷壇

之南正中設后稷配位於稷壇之西東向正配每位各設十籩於神位之左十豆於神位之右簠簋各二登鉶各三於籩豆之間俎三於簠簋之前香燭案於俎前爵坫沙池於香案之前祝版位於神位之右正位尊四於壇之側社在東稷在西配位各四尊次之玉幣篚位於酒尊之北爵洗位於稷壇之東北御洗位於爵洗位之北御位於兩壇北之正中皇太子位於御位之右稍後文武陪祭官位於御位之後文東武西讀祝官位於神

位之右導駕及奏禮官六人位於御位之左右稍前東西相向御史二人位於兩壇下之東西贊禮二人位於壇南承傳二人位於贊禮之北引班四人於陪祭官之左右俱東西相向協律郎二人於樂懸之東西樂生位於懸前舞生位於懸後司尊司洗司爵捧幣各於其所望瘞位於壇之西北

齋戒

按社稷齋戒周十日漢唐七日散齋四日致齋三日宋

十日散齋七日致齋三元三日散齋二日致齋一日  
國朝齋戒之日如唐制其歷代誓戒之辭則見于祝天  
篇



欽定四庫全書

明倫彙編  
卷八

三

明集禮卷八

欽定四庫全書

史部

明集禮卷十九

詳校官監察御史<sub>臣</sub>劉芬

編修<sub>臣</sub>程嘉謨覆勘

總校官知縣<sub>臣</sub>楊懋珩

校對官中書<sub>臣</sub>牛稔文

謄錄監生<sub>臣</sub>沙重輪




欽定四庫全書


明集禮卷九

吉禮九

社稷壇圖



陳設總圖



社稷陳設圖

明宗禮卷九 三

菱

芡

鹿脯

白餅

黑餅

鹽

黍

棗

栗

榛

牲

燭

稷

粱

肉羹

神位

玉帛

肉羹

牲

香茶

爵

沙池

黍

稻

肉羹

祝版

韭菹

醯醢

菁菹

鹿醢

芹菹

牲

燭

兔醢

菊菹

魚醢

脾析

豚拍

樂圖

搏搏歌歌歌歌歌歌  
工工工工工工工工

搏搏歌歌歌歌歌歌  
工工工工工工工工

琴琴琴琴琴琴瑟瑟

瑟瑟琴琴琴琴琴

鐘

磬

笛笛簫簫塤塤

塤塤簫簫笛笛

和笙和笙簫簫鳳笙鳳笙

鳳笙鳳笙簫簫和笙和笙



樂

協律郎一人幞頭紅羅公服荔枝帶皂靴手執  
麾幢

樂生六十二人服緋袍展脚幞頭革帶皂靴  
樂器

編鐘

編磬

琴

瑟

搏拊

敔

祝

墳

簾

簫

橫笛

應鼓

笙

舞

舞士一人幘頭紅羅公服荔枝帶皂靴手執節

舞生一百二十八人

文舞六十四人

引舞二人各執羽籥服紅袍展脚幞頭革帶皂靴

舞生六十二人服紅袍展脚幞頭革帶皂靴

各執羽籥

武舞六十四人

引舞二人各執干戚服紅袍展脚幞頭革帶

皂靴

舞生六十二人服紅袍展脚幞頭革帶皂靴



靴各執干戚

樂章

迎神

五土之靈百穀之英國依土而寧民以食而生基圖肇  
黃林姑黃姑林南林林太黃姑太姑黃林太黃黃南林  
建祀禮修明神其來臨肅恭而迎

姑姑林南林南林姑太姑林姑黃

奠幣

有國有人社稷為重昭事云初玉帛虔奉維物匪奇敬  
林南黃太林南林太黃林南林黃太黃林太南黃太林  
實將之以斯為禮冀達明祇

南林太林南南林黃太黃林

奉俎

宗壇北向明禋方闡有潔犧牲禮因物顯大房載設中  
黃林姑黃林太南黃南黃南姑姑林姑黃太南黃姑林  
情以展景運既承神貺斯衍

太南黃黃南姑林姑林姑黃

社神初獻

高為山林深為川澤崇丘廣衍亦有原隰惟神所司百  
黃林南林林南姑黃黃南黃姑姑林南林林姑黃太林  
靈效職清醴初陳顯然昭格

太南黃姑黃南林南林姑黃

后土勾龍氏初獻

平治水土萬世神功民安物遂造化攸同嘉惠無窮報

南黃夾黃夾林黃林林姑黃太夾林夾黃林夾林南太  
祀宜豐配食尊嚴國家所崇

黃南林夾林夾太林太南黃

稷神初獻

黍稷稻粱來牟降祥為民之天豐年穰穰其功甚大其  
黃林南黃林太南黃黃林南林姑林姑黃黃南林姑黃  
恩深長迺登芳齊以享以將

林南林姑林姑黃林太南黃

后稷氏初獻

皇皇后稷克配于天誕降嘉種樹藝大田生民粒食功  
黃林南林姑林黃林姑林姑黃黃林南林太南黃姑林  
垂萬年建壇于京歆茲吉蠲

太南黃姑林黃林姑太南黃

社神亞終獻

廣厚無偏其體弘兮德侔坤順萬物生兮錫民地利神  
黃林姑黃黃林南林南林姑太姑林姑黃南黃南姑黃

化行兮恭祀告虔國之禎兮

林南林林姑黃太姑林姑黃

后土勾龍氏亞終獻

周覽四方偉烈昭彰九州既平五行有常壇壝以妥牲

林太南黃夾林南林夾林黃太黃太南黃黃南林姑林

醴之將是嚴是崇煥然典章

夾南姑姑林黃太南黃姑林

稷神亞終獻

億兆林林所資者穀雨暘應時家給人足倉庾坻京神  
林南姑黃林太南黃南黃姑林太黃姑黃太南黃姑黃  
介多福祇薦其儀昭事惟肅

林南林南林姑黃姑林黃林

后稷氏亞終獻

躬勤稼穡有相之道不稂不莠實堅實好農事開國王  
林南黃太林南林太黃南林太黃太南林太林南太黃  
基永保有年自今常奉蘋藻

南林太太林南林黃太南林

徹豆

禮展其勤樂奏其節庶品苾芬神明是達有嚴執事俎  
黃林姑黃姑林黃林南林姑太林太南黃南黃南姑姑  
籩乃徹穆穆雍雍均其欣說

林南黃姑林南林姑姑黃

送神

維壇潔清維主堅貞神之所歸依茲以寧土宇靖安年



黃林南黃姑林南林林姑黃太林太南黃黃林南黃林  
穀順成祀典昭明永致升平

太南黃姑林南林姑林姑黃

望瘞

晨光將發既侑既歆瘞茲牲幣達于幽陰神人和悅實  
林南姑黃黃南姑林南黃南姑姑林姑黃姑黃黃林林  
獲我心永久禋祀其始于今

太南黃姑林姑黃姑林黃林

祭太社太稷儀注

齋戒皇帝散齋四日致齋三日陪祭官執事官並齋七日致齋第一日陪祭官執事官受誓戒省牲器先祭二日儀鸞司設大次于社稷北門外道西南向設皇太子幕次於大次之旁先祭二日設省牲位於北門外皇帝服皮弁服脩法駕出宮詣大次導駕官同太常卿導引皇帝至省牲位南向立執事官各執事廩犧令帥其屬牽牲自東行過御前省訖牽牲詣神厨執事官以豆取

毛血太常卿奏請詣神厨導駕官同太常卿導引至神  
厨太常卿奏請視鼎鑊請視滌漑訖遂烹牲導駕官同  
太常卿導引皇帝還大次陳設先祭執事官陳設如圖  
儀正祭享日清晨諸執事官各實尊罍簋簠豆登鉶  
實玉帛于篚置祝版于神位之右車駕至大次太常卿  
奏請中嚴皇帝服衮冕樂生舞生及諸執事官陪祭官  
入就位太常卿奏外辦導駕官同太常卿導引皇帝至  
御位南向立迎神贊禮唱迎神協律郎跪俛伏舉麾奏

廣和之曲贊禮唱請行禮太常卿奏有司謹具請行事  
奏鞠躬拜興拜興平身皇帝鞠躬拜興拜興平身贊禮  
唱皇太子以下在位官皆再拜傳贊唱鞠躬拜興拜興  
平身皇太子以下在位官皆鞠躬拜興拜興平身奠玉  
帛贊禮唱奠玉帛太常卿奏請詣盥洗位導駕官同太  
常卿導引皇帝至盥洗位太常卿奏搢圭皇帝搢圭司  
盥洗者奉匜進巾太常卿奏盥手悅手出圭皇帝盥手  
悅手出圭太常卿奏請詣大社神位前導駕官同太常

卿導引至神位前協律郎跪俛伏舉麾奏肅和之曲太  
常卿奏跪措圭皇帝跪措圭司香官奉香跪進于皇帝  
之右太常卿奏上香上香三上香皇帝上香上香三上香  
司玉帛者奉玉幣跪進于皇帝之右皇帝受玉帛奠于  
神位前太常卿奏出圭鞠躬拜興拜興平身皇帝出圭  
鞠躬拜興拜興平身樂止太常卿奏請詣后土勾龍氏  
神位前導駕官同太常卿導引皇帝至神位前奠帛如  
前儀訖太常卿奏請詣太稷神位前導駕官同太常卿

導引皇帝降自子陞詣太稷壇升自子陞行禮如前儀  
訖太常卿奏請詣后稷神位前如前儀訖太常卿奏請  
復位導駕官同太常卿導引皇帝復位進熟贊禮唱進  
俎協律郎跪俛伏舉麾奏凝和之曲齋郎舉俎至太社  
壇前進俎官以俎升自子陞太常卿奏請升壇導駕官  
同太常卿導引皇帝至太社神位前太常卿奏揖圭皇  
帝揖圭進俎官以俎進皇帝以俎奠于太社神位前太  
常卿奏出圭皇帝出圭奏請詣后土神位前如前儀訖

進俎官降自酉陞導駕官同太常卿導引皇帝降自子  
陞齋郎舉俎至太稷壇前進俎官以俎升自子陞導駕  
官同太常卿導引皇帝至太稷神位前太常卿奏搢圭  
皇帝搢圭進俎官以俎進皇帝以俎奠于太稷神位前  
太常卿奏出圭皇帝出圭奏請詣后稷神位前如前儀  
訖進俎官降自酉陞導駕官同太常卿導引皇帝降自  
子陞復位初獻贊禮唱請行初獻禮太常卿奏行初獻  
禮請詣爵洗位導駕官同太常卿導引皇帝至爵洗位

太常卿奏措圭皇帝措圭執爵官以爵進皇帝受爵滌爵拭爵以爵授執爵官執爵官復以爵進皇帝受爵滌爵拭爵以爵授執爵官太常卿奏出圭皇帝出圭奏請詣酒尊所導駕官同太常卿導引至酒尊所執爵官從行太常卿奏措圭皇帝措圭執爵官以爵進皇帝執爵司尊者舉罍酌醴齊畢皇帝以爵授執爵官執爵官從行太常卿奏出圭皇帝出圭太常卿奏請詣太社神位前協律郎跪俛伏舉麾奏壽和之曲武功之舞導駕官



同太常卿導引皇帝至神位前太常卿奏跪揖主皇帝  
跪揖主司香官奉香跪進于皇帝之左太常卿奏上香  
上香三上香皇帝上香上香三上香執爵官奉爵跪進  
于皇帝之右皇帝受爵太常卿奏祭酒祭酒三祭酒奠  
爵皇帝祭酒祭酒三祭酒奠爵樂舞止太常卿奏出主  
皇帝出主讀祝官取祝版於神右東向跪讀訖樂舞作  
太常卿奏俯伏興平身稍後鞠躬拜興拜興平身皇帝  
俯伏興平身稍後鞠躬拜興拜興平身樂舞止太常卿

奏請詣后土氏神位前奏詣酒尊所導駕官同太常卿  
導引至酒尊所太常卿奏搢圭皇帝搢圭執爵官以爵  
進皇帝執爵司尊者舉罍酌醴齊畢皇帝以爵授執爵  
官執爵官從行太常卿奏出圭皇帝出圭導駕官同太  
常卿導引皇帝至神位前如前儀訖導駕官同太常卿  
導引皇帝降自北陛太常卿奏請詣爵洗位導駕官同  
太常卿導引皇帝至爵洗位太常卿奏搢圭皇帝搢圭  
執爵官以爵進皇帝受爵滌爵拭爵以爵授執爵官執

爵官復以爵進皇帝受爵滌爵拭爵以爵授執爵官太常卿奏出主皇帝出主奏請詣酒尊所導駕官同太常卿導引至酒尊所執爵官從行太常卿奏揖主皇帝揖主執爵官以爵進皇帝執爵司尊者舉罍酌醴齊畢皇帝以爵授執爵官執爵官從行太常卿奏出主皇帝出主太常卿奏請詣太稷神位前協律郎跪俛伏舉麾奏壽和之曲武功之舞導駕官同太常卿導引皇帝至神位前太常卿奏跪揖主皇帝跪揖主司香官奉香跪進

于皇帝之左太常卿奏上香上香三上香皇帝上香上  
香三上香執爵官奉爵跪進于皇帝之右皇帝受爵太  
常卿奏祭酒祭酒三祭酒奠爵皇帝祭酒祭酒三祭酒  
奠爵樂舞止太常卿奏出主皇帝出主讀祝官取祝版  
於神右東向跪讀訖樂舞作太常卿奏俯伏興平身稍  
後鞠躬拜興拜興平身皇帝俯伏興平身稍後鞠躬拜  
興拜興平身樂舞止太常卿奏請詣后稷神位前奏詣  
酒尊所導駕官同太常卿導引至酒尊所太常卿奏搢

圭皇帝搢圭執爵官以爵進皇帝執爵司尊者舉畢酌  
醴齊畢皇帝以爵授執爵官執爵官從行太常卿奏出  
圭皇帝出圭導駕官同太常卿導引皇帝至神位前如  
前儀訖太常卿奏請復位導駕官同太常卿導引皇帝  
復位亞獻贊禮唱行亞獻禮太常卿奏請行亞獻禮請  
詣爵洗位導駕官同太常卿導引皇帝至爵洗位太常  
卿奏搢圭皇帝搢圭執爵官以爵進皇帝受爵滌爵拭  
爵以爵授執爵官執爵官復以爵進皇帝受爵滌爵拭

爵以爵授執爵官太常卿奏出圭皇帝出圭太常卿奏  
請詣酒尊所導駕官同太常卿導引至酒尊所執爵官  
從行太常卿奏措圭皇帝措圭執爵官以爵進皇帝受  
爵司尊者舉冪酌盎齊畢皇帝以爵授執爵官執爵官  
從行太常卿奏出圭皇帝出圭太常卿奏請詣太社神  
位前協律郎跪俛伏舉麾奏豫和之曲文德之舞導駕  
官同太常卿導引皇帝至神位前太常卿奏跪措圭皇  
帝跪措圭執爵官奉爵跪進于皇帝之右皇帝受爵太

常卿奏祭酒祭酒三祭酒奠爵皇帝祭酒祭酒三祭酒  
奠爵太常卿奏出圭俯伏興平身稍後鞠躬拜興拜興  
平身皇帝出圭俯伏興平身稍後鞠躬拜興拜興平身  
樂舞止太常卿奏請詣酒尊所導駕官同太常卿導引  
皇帝至酒尊所執爵官以爵進皇帝受爵司尊者舉罍  
酌盜齊畢皇帝以爵授執爵官執爵官從行樂舞作太  
常卿奏請詣后土氏神位前導駕官同太常卿導引皇  
帝至神位前太常卿奏跪搢圭皇帝跪搢圭執爵官奉

爵跪進于皇帝之右皇帝受爵太常卿奏祭酒祭酒三  
祭酒奠爵皇帝祭酒祭酒三祭酒奠爵太常卿奏出主  
俯伏興平身稍後鞠躬拜興拜興平身皇帝出主俯伏  
興平身稍後鞠躬拜興拜興平身樂舞止導駕官同太  
常卿導引皇帝降自北陛太常卿奏請詣爵洗位導駕  
官同太常卿導引皇帝至爵洗位太常卿奏搢圭皇帝  
搢圭執爵官以爵進皇帝受爵滌爵拭爵以爵授執爵  
官執爵官復以爵進皇帝受爵滌爵拭爵以爵授執爵



官太常卿奏出主皇帝出主奏請詣酒尊所導駕官同太常卿導引至酒尊所執爵官從行太常卿奏搢主皇帝搢主執爵官以爵進皇帝執爵司尊者舉幕酌醴齊畢皇帝以爵授執爵官執爵官從行太常卿奏出主皇帝出主太常卿奏請詣太稷神位前協律郎跪俛伏舉麾奏豫和之曲文德之舞導駕官同太常卿導引皇帝至神位前太常卿奏跪搢主皇帝跪搢主執爵官奉爵跪進于皇帝之右皇帝受爵太常卿奏祭酒祭酒三祭

酒奠爵皇帝祭酒祭酒三祭酒奠爵太常卿奏出主俯  
伏興平身稍後鞠躬拜興拜興平身皇帝出主俯伏興  
平身稍後鞠躬拜興拜興平身樂舞止太常卿奏請詣  
酒尊所導駕官同太常卿導引皇帝至酒尊所執爵官  
以爵進皇帝受爵司尊者舉冪酌醴齊畢皇帝以爵授  
執爵官執爵官從行樂舞作太常卿奏請詣后稷神位  
前導駕官同太常卿導引皇帝至神位前太常卿奏跪  
揖主皇帝跪揖主執爵官奉爵跪進于皇帝之右皇帝

受爵太常卿奏祭酒祭酒三祭酒奠爵皇帝祭酒祭酒  
三祭酒奠爵太常卿奏出圭俯伏興平身稍後鞠躬拜  
興拜興平身皇帝出圭俯伏興平身稍後鞠躬拜興拜  
興平身樂舞止太常卿奏請復位導駕官同太常卿導  
引皇帝復位終獻贊禮唱行終獻禮太常卿奏請行終  
獻禮請詣爵洗位導駕官同太常卿導引皇帝至爵洗  
位太常卿奏搢圭皇帝搢圭執爵官以爵進皇帝受爵  
滌爵拭爵以爵授執爵官執爵官復以爵進皇帝受爵

滌爵拭爵以爵授執爵官太常卿奏出主皇帝出主太  
常卿奏請詣酒尊所導駕官同太常卿導引皇帝至酒  
尊所執爵官從行太常卿奏揖主皇帝揖主執爵官以  
爵進皇帝受爵司尊者舉冪酌盎齊畢皇帝以爵授執  
爵官執爵官從行太常卿奏出主皇帝出主太常卿奏  
請詣太社神位前協律郎跪俛伏舉麾奏熙和之曲文  
德之舞導駕官同太常卿導引皇帝至神位前太常卿  
奏跪揖主皇帝跪揖主執爵官奉爵跪進于皇帝之右

皇帝受爵太常卿奏祭酒祭酒三祭酒奠爵皇帝祭酒  
祭酒三祭酒奠爵太常卿奏出圭俯伏興平身稍後鞠  
躬拜興拜興平身皇帝出圭俯伏興平身稍後鞠躬拜  
興拜興平身樂舞止太常卿奏請詣酒尊所導駕官同  
太常卿導引皇帝至酒尊所執爵官以爵進皇帝受爵  
司尊者舉罍酌盎齊畢皇帝以爵授執爵官執爵官從  
行樂舞作太常卿奏請詣后土氏神位前導駕官同太  
常卿導引皇帝至神位前太常卿奏跪搢圭皇帝跪搢

主執爵官奉爵跪進于皇帝之右皇帝受爵太常卿奏  
祭酒祭酒三祭酒奠爵皇帝祭酒祭酒三祭酒奠爵太  
常卿奏出主俯伏興平身稍後鞠躬拜興拜興平身皇  
帝出主俯伏興平身稍後鞠躬拜興拜興平身樂舞止  
太常卿奏飲福受胙導駕官同太常卿導引至正位前  
飲福位南向立太常卿奏鞠躬拜興拜興平身稍前跪  
搯圭皇帝鞠躬拜興拜興平身稍前跪搯圭執事官就  
神前酌福酒跪進于皇帝之右贊曰惟此酒殽神之所

與賜以福慶億兆同霑皇帝受福酒祭酒少許飲福酒  
以爵置于坫奉胙官就神前取胙跪進于皇帝之右皇  
帝受胙以胙授執事者執事者跪受于皇帝之右太常  
卿奏出圭俯伏興平身稍後鞠躬拜興拜興平身皇帝  
出圭俯伏興平身稍後鞠躬拜興拜興平身導駕官同  
太常卿導引皇帝降自北陛太常卿奏請詣爵洗位導  
駕官同太常卿導引皇帝至爵洗位太常卿奏搢圭皇  
帝搢圭執爵官以爵進皇帝受爵滌爵拭爵以爵授執

爵官執爵官復以爵進皇帝受爵滌爵拭爵以爵授執爵官太常卿奏出主皇帝出主奏請詣酒尊所導駕官同太常卿導引至酒尊所執爵官從行太常卿奏措主皇帝措主執爵官以爵進皇帝執爵司尊者舉罍酌醴齊畢皇帝以爵授執爵官執爵官從行太常卿奏出主皇帝出主太常卿奏請詣太稷神位前協律郎跪俛伏舉麾奏熙和之曲文德之舞導駕官同太常卿導引皇帝至神位前太常卿奏跪措主皇帝跪措主執爵官奉



爵跪進于皇帝之右皇帝受爵太常卿奏祭酒祭酒三  
祭酒奠爵皇帝祭酒祭酒三祭酒奠爵太常卿奏出主  
俯伏興平身稍後鞠躬拜興拜興平身皇帝出主俯伏  
興平身稍後鞠躬拜興拜興平身樂舞止太常卿奏請  
詣酒尊所導駕官同太常卿導引皇帝至酒尊所執爵  
官以爵進皇帝受爵司尊者舉罍酌醴齊畢皇帝以爵  
授執爵官執爵官從行樂舞作太常卿奏請詣后稷氏  
神位前導駕官同太常卿導引皇帝至神位前太常卿

奏跪搢圭皇帝跪搢圭執爵官奉爵跪進于皇帝之右  
皇帝受爵太常卿奏祭酒祭酒三祭酒奠爵皇帝祭酒  
祭酒三祭酒奠爵太常卿奏出圭俯伏興平身稍後鞠  
躬拜興拜興平身皇帝出圭俯伏興平身稍後鞠躬拜  
興拜興平身樂舞止太常卿奏飲福受胙導駕官同太  
常卿導引至正位前飲福位南向立太常卿奏鞠躬拜  
興拜興平身稍前跪搢圭皇帝鞠躬拜興拜興平身稍  
前跪搢圭執事官就神前酌福酒跪進于皇帝之右贊

曰惟此酒穀神之所與賜以福慶億兆同霑皇帝受福  
酒祭酒少許飲福酒以爵置于坫奉胙官就神前取胙  
跪進于皇帝之右皇帝受胙以胙受執事者執事者跪  
受于皇帝之右太常卿奏出圭俯伏興平身稍後鞠躬  
拜興拜興平身皇帝出圭俯伏興平身稍後鞠躬拜興  
拜興平身太常卿奏復位導駕官同太常卿導引皇帝  
復位徹豆贊禮唱徹豆協律郎跪俛伏舉麾奏雍和之  
曲掌祭官各徹豆樂止贊禮唱賜胙太常卿奏皇帝飲

福受昨免拜贊禮唱皇太子以下在位官皆再拜傳贊  
唱鞠躬拜興拜興平身皇太子以下在位官皆鞠躬拜  
興拜興平身送神贊禮唱送神協律郎跪俛伏舉麾奏  
安和之曲太常卿奏鞠躬拜興拜興平身皇帝鞠躬拜  
興拜興平身贊禮唱皇太子以下在位官皆再拜傳贊  
唱鞠躬拜興拜興平身皇太子以下在位官皆鞠躬拜  
興拜興平身樂止贊禮唱祝人取祝幣人取幣詣望瘞  
位讀祝官取祝奉幣官取幣掌祭官取牲饌詣瘞所置

于坎內望瘞贊禮唱望瘞協律郎跪俛伏舉麾奏時和之曲太常卿奏請詣望瘞位導駕官同太常卿導引皇帝至望瘞位樂止贊禮唱可瘞東西面各二人置土于坎實土至半太常卿奏禮畢導駕官同太常卿導引皇帝還大次解嚴

遣官奏告社稷儀注

前期告官及陪祀官執事官齋三日散齋二日宿于公廨致齋一日於祭所前一日有司掃除壇上下開瘞坎

執事恭視社主設太社神位於社壇之南正中設后土氏配位於社壇之東設太稷神位於稷壇之南正中設后稷配位於稷壇之西設告官拜位於壇下之北南向陪祀官位於告官之北南向贊禮二人位於告官拜位之南東西相向設盥洗位於兩壇下之西爵洗位於稷壇之東北酒尊位於爵洗位之南幣篚位又於尊之南又設司尊司爵洗司盥洗執爵位各於其所其日清晨執事官陳設幣帛肉脯實酒尊然香燭設祝版于正配

神位之右贊引引告祭官陪祀官各服法服入就拜位  
皆南向立贊禮唱行禮引禮詣告官前曰有司謹具請  
行事贊禮唱鞠躬拜興拜興平身告官及陪位官皆鞠  
躬拜興拜興平身贊禮唱奠幣贊引引告官詣盥洗位  
贊引唱搢笏告官搢笏贊引唱盥手司盥者酌水告官  
盥洗訖唱悅手司巾者以巾進告官悅手訖贊引唱出  
笏告官出笏贊引詣告官前曰請詣太社神位前司幣  
者捧幣從行贊引引至神位前唱跪搢笏告官跪搢笏

司香取香于案跪進于告官之左贊引唱上香上香三  
上香告官上香上香三上香訖司幣者取幣于篚跪進  
于告官之右告官受幣奠于神位前贊引唱出笏告官  
出笏唱鞠躬拜興拜興平身告官鞠躬拜興拜興平身  
次引至后土神位前如前儀訖贊引引告官降自北陞  
詣告官前曰請詣太稷神位前至神位前奠幣及詣后  
稷神位前並如前儀訖贊引引告官復位少立贊禮唱  
酌獻贊引引告官詣爵洗位贊引唱搯笏告官搯笏執



爵者以爵進贊引唱受爵告官受爵唱滌爵司爵洗者  
酌水滌爵訖唱拭爵司悅者以巾進告官拭爵訖唱以  
爵授執爵者告官以爵授執爵者執事者復以爵進告  
官受爵滌爵拭爵如前儀訖贊引唱出笏告官出笏贊  
引唱請詣酒尊所引至酒尊所贊引唱搢笏告官搢笏  
執爵者以爵進告官受爵司尊者舉罍酌酒以爵授執  
爵者執爵者復以爵進告官受爵酌酒如前儀訖贊引  
唱出笏告官出笏贊引詣告官前曰請詣太社神位前

贊引唱跪搯笏告官跪搯笏執爵者以爵跪進于告官  
之右告官受爵贊引唱祭酒祭酒三祭酒奠爵告官祭  
酒祭酒三祭酒奠爵于坫贊引唱出笏告官出笏讀祝  
官取祝版於神位之右跪讀祝文訖贊引唱俛伏興拜  
興拜興平身告官俛伏興拜興拜興平身次引至后土  
神位前如前儀訖贊引引告官降自北陞詣爵洗位酒  
尊所引至太稷神位前后稷神位前行禮皆如前儀訖  
贊引引告官復位贊禮唱鞠躬拜興拜興平身告官及

陪位官皆鞠躬拜興拜興平身贊禮唱望瘞讀祝官取  
祝捧幣官取幣詣瘞所贊引引告官至望瘞位北向立  
贊禮唱可瘞東西面各二人置土于坎實土至半贊禮  
唱禮畢引告官及在位者以次出

明集禮卷九

欽定四庫全書

明集禮卷十

吉禮十

王國社稷

總叙

周制諸侯為百姓立社曰國社自為立社曰侯社國社在公宮之右侯社在籍田又周禮凡封其國設其社稷之壇令社稷之職小司徒凡建邦國立其社稷其壇制


半於天子廣二丈五尺受土各以其方之色冒以黃為壇皆立樹以表其處又別為石主以象神牲用少牢皆黝色用黑幣此諸侯祭社稷之禮見於經傳者也漢封諸侯王見於史者若武帝立子閼為齊王策曰受茲青社旦為燕王策曰受茲玄社胥為廣陵王策曰受茲赤社褚少孫曰諸侯始封必受土於天子之社歸立之以為國社以歲時祀之天子之社五色諸侯封於東方者取青土封於南方者取赤土封於上方者取黃土各取

其色物裹以白茅封以為社自唐至宋元封建不行故  
闕其制





欽定四庫全書





卷十











王國祭社稷儀注

齋戒前期王散齋四日于別殿王相府官于寢王致齋  
三日于正殿王相府官于公廨省牲先祭二日執事設  
王次於北門外道西南向先祭一日典儀典祠導王至  
次執事者各執事典儀典祠導省牲于北門南向立執  
事者自門東牽牲西行過王前省訖牽牲詣神廚典儀  
典祠導王詣神廚視鼎鑊視滌漑訖典儀典祠導王還  
次陳設先祭一日典祠恭視社主設太社神位於社壇

上之南北向設太稷神位於稷壇上之南北向后土神位於社壇上之東西向后稷神位於稷壇上之西東向設王拜位於壇內當兩壇之北居中南向典祠位于王之南東西相向典儀位于典祠之南東西相向司禮司贊二人位于兩壇之北司禮在東司贊在西相向王府文官陪祭位於王位之西北王相府武官位於王位之東北引文武官班位於文武官位之東西樂生舞生位方設於兩壇之北王位之東西樂生居前舞生居後盥

洗位於稷壇東北司盥洗位於盥洗位之後爵洗位於盥洗位之南司爵洗位於爵洗位之後奉爵位於爵洗位之前酒尊位於兩壇北陛下太社酒尊在陛之東太稷酒尊在陛之西篚幣按位於酒尊所之南奉幣者位於篚幣之後飲福位於社主之北讀祝位於諸神位之右籩豆簋簠登鉶位於神位之前牲按位於籩豆之前香燭案於桼之前正祭祭日清晨典祠率執事者各實尊壘簋簠籩豆登鉶置幣于案祝版于諸神位之右樂

生舞生入就位諸執事入就位典祠啓王服冕服與典儀同導王至拜位南向立迎神司禮唱迎神樂工奏闕

之曲樂止司禮唱請行禮典祠啓有司謹具請行事  
啓鞠躬拜興拜興平身司禮唱在位陪祭官再拜司贊  
唱鞠躬拜興拜興平身王與陪祭官鞠躬拜興拜興平  
身奠幣司禮唱奠幣典祠啓詣盥洗位典儀典祠導王  
至盥洗位典祠啓搯圭王搯圭典祠啓盥洗手司盥洗者  
酌水王盥洗手訖司巾者以巾進典祠啓悅手王悅手訖

典祠啓出圭王出圭典祠啓詣太社神位前樂工奏

闕

之曲奉幣者奉幣前行典祠啓跪搢圭王跪搢圭掌  
祭詣案取香跪進于王之左典祠啓上香上香三上香  
王三上香訖奉幣者奉幣跪進于王之右王受幣奠于  
太社神主前訖典祠啓出圭王出圭啓鞠躬拜興拜興  
平身王鞠躬拜興拜興平身樂止典祠啓詣后土勾龍  
氏神位前與典儀導啓如前儀訖啓詣太稷神位前與  
典儀導啓如前儀訖啓詣后稷神位前與典儀導啓如



前儀訖典祠啓復位與典儀導王復位進熟執事升牲  
于俎陳饌慢王奠幣畢復位司禮唱進俎樂工奏

闕

之曲執事舉俎至太社壇前進俎官以俎升自子陞典  
祠啓進俎與典儀導王升壇至太社神主前南向立進  
俎官以俎進典祠啓搢圭王搢圭以俎奠于太社神主  
前典祠啓出圭王出圭典祠啓詣后土神位前與典儀  
導啓如前儀訖進俎官降自酉陞典儀典祠導王降自  
子陞詣太稷壇進俎官以俎升自子陞典祠啓搢圭王

搢圭以俎奠于太稷神位前典祠啓出圭王出圭啓詣  
后稷神位前與典儀導啓如前儀訖進俎官降自西陛  
典儀典祠導王降自子陛復位初獻司禮唱行初獻禮  
典祠啓行初獻禮啓詣爵洗位與典儀導王至爵洗位  
典祠啓搢圭王搢圭執爵者以爵進典祠啓受爵王受  
爵典祠啓滌爵司盥洗者酌水王滌爵訖典祠啓拭爵  
司巾者以巾進王拭爵訖典祠啓以爵授執事者王以  
爵授執爵官執事者復以爵進典祠啓受爵王受爵典

祠啓滌爵司盥洗者酌水王滌爵訖典祠啓拭爵司巾者以巾進王拭爵訖典祀啓以爵授執事者王以爵授執爵官典祠啓出圭王出圭啓詣太社酒尊所與典儀導王至酒尊所執爵官奉爵從行典祠啓搢圭王搢圭司尊者舉罍執爵官以爵進典祠啓受爵王受爵司尊者酌醴齊畢典祠啓以爵授執事者王以爵授執爵官執事者復以爵進典祠啓受爵王受爵司尊者酌醴齊畢典祠啓以爵授執事者王以爵授執爵官執爵者前

行典祠啓出圭王出圭樂工奏

闕

之曲

闕

之舞典

祠啓詣太社神主前與典儀導王至位前典祠啓跪揖  
圭王跪揖圭掌祭詣案取香跪進于王之左典祠啓上  
香上香三上香王三上香訖執爵官奉爵跪進于王之  
右典祠啓受爵祭酒祭酒三祭酒奠爵王受爵三祭酒  
奠爵訖樂舞止典祠啓出圭王出圭讀祝官取祝版於  
神右西向跪讀訖樂舞作典祠啓俯伏興拜興拜興平  
身王俯伏興拜興拜興平身樂舞止典祠啓詣后土氏

神位前與典儀導啓如前儀訖典祠啓詣太稷酒尊所  
典儀導王至酒尊所如前儀樂工奏闕之曲闕之

舞典祠啓詣太稷神位前詣后稷氏神位前皆如詣太  
社神位前之儀典祠啓復位與典儀導王復位亞獻司  
禮唱行亞獻禮典祠啓行亞獻禮啓詣爵洗位與典儀  
導王至爵洗位典祠啓搯圭王搯圭執爵者以爵進典  
祠啓受爵王受爵典祠啓滌爵司盥洗者酌水王滌爵  
訖典祠啓拭爵司巾者以巾進王拭爵訖典祠啓以爵

授執事者王以爵授執爵官執事者復以爵進典祠啓  
受爵王受爵典祠啓滌爵司盥洗者酌水王滌爵訖典  
祠啓拭爵司巾者以巾進王拭爵訖典祠啓以爵授執  
事者王以爵授執爵官典祠啓出圭王出圭啓詣太社酒  
尊所與典儀導王至酒尊所執爵官奉爵從行典祠啓  
搯圭王搯圭司尊者舉罍執爵官以爵進典祠啓受爵  
王受爵司尊者酌盞齊畢典祠啓以爵授執事者王以  
爵授執爵官執爵者復以爵進典祠啓受爵王受爵司

尊者酌盞齊畢典祠啓以爵授執事者王以爵授執爵  
官執爵官前行典祠啓出圭王出圭樂工奏闕之曲

之舞典祠啓詣太社神位前與典儀導王至位前  
典祠啓跪搢圭王跪搢圭掌祭詣案取香跪進于王之  
左典祠啓上香上香三上香王三上香訖執爵官奉爵  
跪進于王之右典祠啓受爵祭酒祭酒三祭酒奠爵王  
受爵三祭酒奠爵訖典祠啓出圭王出圭啓俯伏興拜  
興拜興平身王俯伏興拜興拜興平身樂舞止典祠啓

詣后土氏神位前與典儀導啓如前儀訖典祠啓詣太  
稷酒尊所典儀導王至酒尊所如前儀樂工奏

闕

之

曲

闕

之舞典祠啓詣太稷神位前詣后稷氏神位前

皆如詣太社神位前之儀典祠啓復位與典儀導王復  
位終獻司禮唱行終獻禮典祠啓行終獻禮與典儀導  
啓如亞獻之儀樂工奏

闕

之曲

闕

之舞飲福受胙

司禮唱飲福受胙執事酌福酒舉胙肉典祠啓詣飲福  
受胙位與典儀導王至飲福受胙位典祠啓鞠躬拜興



拜興平身王鞠躬拜興拜興平身典祠啓跪搢圭王跪  
搢圭執事捧福酒東向跪進于王王受福酒典祠啓飲  
福酒王祭酒少許飲福酒以爵置于站執事官東向跪  
進胙于王王受胙以胙授左右左右西向跪受典祠啓  
出圭王出圭啓俯伏興鞠躬拜興拜興平身王俯伏興  
鞠躬拜興拜興平身典祠啓復位興典儀導王復位徹  
豆司禮唱徹豆樂工奏闕之曲諸掌祭徹豆樂止司  
禮唱賜胙典祠啓王飲福受胙免拜司禮唱陪祭官皆

再拜司贊唱鞠躬拜興拜興平身陪祭官皆鞠躬拜興  
拜興平身送神司禮唱送神樂工奏

闕

之曲典祠啓

鞠躬拜興拜興平身司禮唱陪祭官皆再拜司贊唱鞠  
躬拜興拜興平身王與陪祭官皆鞠躬拜興拜興平身  
樂止望瘞司禮唱望瘞讀祝官取祝奉幣官取幣掌祭  
官取饌至瘞坎位樂工奏

闕

之曲典祠啓詣望瘞位

樂止典儀典祠導王至望瘞位坎實半土典祠啓可瘞  
啓禮畢典儀典祠導王還次

郡縣社

周制州長以歲時祭祀州社則屬其民而讀法凡州之大祭祀蒞其事漢光武建武初令郡縣置社稷太守令長侍祠牲用羊豕惟州所治有社無稷晉元帝令郡縣各祠社稷于壇唐初用隋制郡縣二仲月並以少牢祭社玄宗時勅諸州社稷壇制方二丈五尺高三尺四寸出階三等並散齋二日致齋一日郡則刺史為初獻上佐為亞獻錄事叅軍及判司為終獻縣則令為初獻丞

為亞獻主簿尉為終獻每位祭器尊二簋八豆八簋二  
簠二俎三用羊豕腊惟正位有幣用黑長大八尺其祭  
社祝文曰惟某年月日某官姓名敢昭告于社神維神  
德兼博厚道著方直載生品物含養庶類茲因仲春祇  
率常禮恭以制幣攝齊粢盛庶品備茲明薦用伸報本  
以后土勾龍氏配神作主尚享

縣祝文以下並用

后土祝文曰

敢昭告于后土氏爰茲仲春厥日維戊敬修常祀薦于  
社神惟神功著水土平易九州昭配之義實通祀典謹

以犧齊絜盛庶品式陳明薦作主侑神尚享祭稷祝文  
曰敢昭告于稷神惟神播生百穀首茲八政用而不匱  
功濟萌黎恭以制幣犧齊絜盛庶品祇奉舊章備茲瘞  
禮以后稷稊配神作主尚享后稷祝文曰敢昭告于后  
稷氏爰以仲春厥日維戊恭修常禮薦于稷神惟神功  
叶稼穡闡修農政允茲從祀用率舊章

餘文同  
后土

宋制州

縣社壇方二丈五尺高三尺四出陞稷壇如社壇之制  
社以石為主其形如鐘長二尺五寸方一尺剡其上培


其下半四門同一壝二十五步壇飾各隨方色上蓋以黃土瘞坎於壇之北壬地南出陞方深取足容物政和中制新儀以春秋社日致祭設登歌之樂於壇上正配位俱用黑幣籩八豆八簋簋各一俎二犧尊三象尊三在壇上為酌尊大尊三山尊二在神位前著尊二犧尊二象尊二壺尊六在壇下設而不酌祭官常服閱饌物視牲充牣以公服行事迎神作寧安之樂八成初獻升降行止作正安之樂奠幣酌獻作嘉安之樂亞獻終獻

作文安之樂送神作寧安之樂一成元制成宗元貞二年始定州郡通祀社稷之制以春秋二仲月上戊日牲用黝色羊豕各一祭器每籩豆各八簋二簋二鉶三俎三壺尊三不用樂國朝郡縣祭社稷有司俱於本城土西北設壇致祭壇高三尺四出陛三級方二尺五寸從東至西二丈五尺從南至北二丈五尺右社左稷社以石為主其形如鐘長二尺五寸方一尺一寸剡其上培其下半在壇之南方壇外築牆周圍一百步四面各二

十五步祭用春秋仲月上戊日祝以文牲用大牢







郡縣春秋仲月上戊祭社稷儀

齋戒前三日三獻官散齋二日於別寢致齋一日於祭所散齋理事如舊惟不吊喪問疾不作樂不判署刑殺文書不行刑罰不預穢惡事致齋惟祭事得行其餘悉斷執事人員齋各一日於祭所陳設前祭二日有司掃除壇之内外設三獻官執事官次於壇墻門外為瘞坎二於門外之西北方深取足容物南出陞前一日執事設省牲位于北門之外恭視社主設太社神位於社壇

之南正中設后土氏配位於社壇之東西向設太稷神位於稷壇之南正中設后稷配位於稷壇之西東向正配每位設籩四於神位之左豆四於神位之右簋簋各二登釶各一於籩豆之間毛血豆於登釶之前俎二於簋簋之前香燭案於俎前爵拈沙池於香案之前祝版於神位之右正位各犧尊一山壘一於壇下社東稷西配位各犧尊一山壘一次之正配幣篚位各附于酒尊所盥洗位於稷壇下之東爵洗位相連於盥洗位之北

初獻官位於兩壇下正中之北亞獻官位於初獻官之  
左終獻官位於初獻官之右稍後從祭官位於獻官之  
後引贊位於獻官之左右贊禮位於兩壇下之東西讀  
祝位於神座之右掌祭官二人位於神座之左右司尊  
司爵司洗捧幣位各於其所設望瘞位於壇之西北省  
牲執事者引三獻官至省牲位南向立執事者自門東  
牽牲西行過獻官前省訖執事以豆二取毛血正祭奠  
幣祭日丑前五刻行事執事者入實尊壘籩豆簋簋登

銅陳毛血豆祝版幣篚執事者各服垂角唐巾盤領衫  
各就位引贊引獻官各服法服入就位執事者取毛血  
瘞於烝所贊禮者唱有司已具請行事贊禮唱鞠躬拜  
興拜興平身在位者皆鞠躬拜興拜興平身贊者唱奠  
幣引贊引初獻官詣盥洗位引贊唱搯笏初獻搯笏唱  
盥手司盥洗者酌水盥訖唱悅手司悅者以巾進悅訖  
唱出笏初獻出笏引升詣社壇神位前南向立唱跪搯  
笏初獻跪搯笏執事者以幣跪進于初獻之右初獻受

幣奠于神位前訖稍後引贊唱俯伏興拜興拜興平身  
初獻俯伏興拜興拜興平身次引至稷壇正位奠幣並  
如社壇之儀引復位初獻贊禮唱行初獻禮引贊引初  
獻官詣爵洗位引贊唱搯笏初獻搯笏執爵者以爵進  
初獻受爵司爵洗者酌水初獻滌爵拭爵以爵授執事  
者引贊唱出笏初獻出笏引詣社壇酒尊所東向立引  
贊唱搯笏初獻搯笏執爵者以爵授初獻初獻執爵司  
尊者舉罍酌犧尊之醴齊以爵授執事者引贊唱出笏

初獻出笏跪掌祭官奉香跪進于初獻之左引贊唱上香上香三上香初獻官上香上香三上香訖執事者以爵跪進於初獻之右初獻執爵引贊唱祭酒祭酒三祭酒奠爵初獻祭酒祭酒三祭酒奠爵引贊唱出笏初獻出笏讀祝官取祝跪于神座之右讀訖引贊唱俯伏興拜興拜興平身初獻俯伏興拜興拜興平身引詣后土氏神位前酌獻並如正位之儀次詣爵洗位及升稷壇正配位前行禮並如社壇之儀引復位亞獻贊禮唱行



亞獻禮引贊引亞獻官詣盥洗位唱搢笏亞獻搢笏唱  
盥手司盥洗者酌水盥訖唱悅手司悅者以巾進悅訖  
唱出笏亞獻出笏引詣爵洗位引贊唱搢笏亞獻搢笏  
執爵者以爵進亞獻受爵司爵洗者酌水亞獻滌爵拭  
爵以爵授執事者引贊唱出笏亞獻出笏引詣社壇酒  
尊所東向立引贊唱搢笏亞獻搢笏執事者以爵授亞  
獻亞獻執爵司尊者舉罍酌山罍之事酒亞獻以爵授  
執事者引贊唱出笏亞獻出笏引贊引詣社神位前南

向立引贊唱搯笏跪亞獻搯笏跪掌祭官奉香跪進于  
亞獻之左引贊唱上香上香三上香亞獻官上香上香  
三上香訖執爵者以爵跪進于亞獻之右亞獻執爵引  
贊唱祭酒祭酒三祭酒奠爵亞獻官祭酒祭酒三祭酒  
奠爵唱出笏俯伏興拜興拜興平身亞獻出笏俯伏興  
拜興拜興平身訖引詣后土勾龍氏位酌獻並如社主  
之儀次詣爵洗位及稷壇正配位前行禮並如社壇之  
儀引復位終獻贊禮唱行終獻禮引贊引終獻官升壇

行禮並亞獻之儀引復位飲福贊禮唱飲福贊引引初獻官詣飲福位南向立掌祭者各以爵酌兩壇福酒合置一爵持爵詣初獻之左西向立引贊唱鞠躬拜興拜興平身初獻官鞠躬拜興拜興平身引贊唱跪搯笏初獻跪搯笏掌祭舉福酒爵進于初獻之左初獻受爵祭酒少許飲福酒奠爵掌祭者減社稷神座前胙肉進于初獻之左初獻受胙以胙授執事者引贊唱出笏俯伏興拜興拜興平身初獻出笏俯伏興拜興拜興平身引

復位贊禮唱曰賜胙初獻官飲福受胙免拜在位者皆再拜唱鞠躬拜興拜興平身獻官以下皆鞠躬拜興拜興平身望瘞贊禮唱詣望瘞位引贊引初獻官以下詣望瘞位南向立讀祝取祝捧幣取幣掌祭取饌置于坎及諸從祭官以次而出

里社

周制大夫以下成群立社曰置社注大夫不得專主地與民族居百家以上則共一社記郊特牲曰唯為社事

單出里唯為社田國人畢作唯社丘乘共築盛所以報  
本反始也又月令仲春擇元日命民社其社之大者則  
二千五百家為之其小者則二十五家亦為之各樹其  
土所宜之木以為之主漢制百家以上共立一社高祖  
令豐治枌榆社里社也常以春二月及鵬令民里社各  
自裁以祠唐制諸里社正祭社稷儀前一日社正及諸  
社人應祭者各清齋一日於家正寢先治修神樹之下  
又為瘞坎於神樹之北每位酒尊二并勺牲用特豕以



俎二分載牲體籩二實以棗栗豆二實以苴醢簋二實以黍稷簋二實以稻粱社神之席設於神樹下稷神之席設於神樹西北社正奠爵於神位前祝讀祝文曰維某年月日某村社正姓名合社若干人等今昭告于社神惟神載育黎元長茲庶物時維仲春日維吉戊謹率常禮恭用特牲清酌粢盛庶品祇薦社神尚享稷座祝文曰惟神主茲百穀粒此羣黎今仲春吉戊謹率常禮恭以特牲清酌粢盛庶品祇薦于稷神尚享祭畢祝版

燔于祭所宋諸里社稷祭儀並同唐制元從民俗無所  
建立









諸里社稷祭儀

諸里凡祭社稷共用一豕禮器籩豆簋簋許以陶瓦器代之每位磔二實以棗栗磔二實以菹醢磔二實以黍稷又磔一以盛毛血瓦尊一實以常酒并酒杯一祝文無版則以紙書之讀祝以社人有學識者充前祭一日社正及社中諸預祭之人各於本家堂前待客之所齋一日社正先遣執事人掃除神樹下四面為瘞坎於神樹之北方深取足容物主祭之家洗滌廚房鑊器以正

堂為饌所至晚宰牲執事者以一磔取毛血與祭器俱  
寘於饌所祭日未明執事者於厨中烹牲設社主于樹  
下稷主于社主之西各簋以莞席設社正拜位於社稷  
位前南向設預祭人位於其後設引禮及諸執事人位  
又於其後執事者於饌所實祭物於磔內解牲體置于  
二俎置酒于尊書祝文于紙祭物既備執事者各捧設  
于社稷神位前燃香明燭自社正以下各服常服盥手  
入就拜位立定執事執壺於尊中取酒立於神位之左

讀祝者立於神位之右引禮者唱鞠躬拜興拜興平身  
社正以下皆鞠躬拜興拜興平身執事者取毛血埋瘞  
于埕中引禮唱跪社正前詣社主前跪引禮唱上香上  
香三上香社正上香上香三上香訖舉杯執壺者斟酒  
引禮唱祭酒祭酒三祭酒社正祭酒祭酒三祭酒訖讀  
祝者持祝文跪讀於神位前之右讀祝訖引禮唱俯伏  
興稍後拜興拜興平身社正俯伏興稍後拜興拜興平  
身又引社正詣稷神位前唱跪社正前詣稷主前跪引

禮唱上香上香三上香社正上香上香三上香訖舉杯  
執事者斟酒引禮唱祭酒祭酒三祭酒社正祭酒祭酒  
三祭酒訖讀祝者持祝文跪讀于神位前之右讀訖引  
禮唱俯伏興稍後拜興拜興平身社正俯伏興稍後拜  
興拜興平身引禮引社正復位引禮唱鞠躬拜興拜興  
平身社正以下皆鞠躬拜興拜興平身執事徹祭物讀  
祝者取祝文焚瘞于坎所

明集禮卷十